

習

齋

叢

刊

第一輯

第一輯

習金林集

丙子季夏



二 女 失 主

文 抄

采此困敦宿日番昌李乙马叔题



同治甲子二月十四日^四經之世兄自頃來訪書
至此冊讀之知學益進矣能因
窮好學之品勵志真克副
先曲年^特拔冠軍之意俯仰^之若
不禁感意交并集也王勣記



顧廬文櫟 子梅署

近抄得陸山古文及寄者附於後鵠又記

二孔先生傳略

孔憲彝字繡山曲阜人道光丁酉舉人內閣中書著有對岳樓詩錄盛大士云

孔大令俊峯

諱昭杰

先生有才子三人長曰生序次繡山次經之皆能世其家學

孔憲庚

原名憲緯

字經之道光己酉拔貢著有十三經閣詩錄

經之文鈔

曲阜孔憲庚經之

目錄

周公踐阼解

昭陵陪葬碑論略復朝鮮金邵亭詢昭陵陪葬碑書

書壽陽祁公所著三書後

與林穎叔大京兆書

論新土爾扈特游牧之地書

韓齋雅集觀漢延熹華山碑記

書皖江武備考略後

既載壺口治梁及岐解

導岍及岐至于荆山逾于河壺口雷首至于太岳底柱析城至于王屋太

行恆山至于碣石入于海解

西傾朱圉鳥鼠至于太華熊耳外方桐柏至于陪尾解

導嶓冢至于荆山內方至于大別岷山之陽至于衡山過九江至于敷淺

原解

書柳子厚道州毀鼻亭記後

桐城張蓉溪承華大學析義跋

代王仁甫同年作
癸亥冬舞陽客寓

項王墓考

左傳城小穀爲管仲也說

周易臆測敘

鈔易讀本自敘

授受金鍼敘

代作

大學古本序

紀朝鮮李瀉船奉使進表辨誣事

增錄朝鮮表文

藏中隨筆跋

經之文鈔

曲阜孔憲庚經之

周公踐阼解

禮周公踐阼從古解說紛紛其故皆泥於踐阼卽居天子之位行天子之事有爲周公諱而曲爲之說者不知古者君崩百官總己以聽冢宰三年俟三年古禘後嗣君乃親政周自武王有天下未及安定而崩周公位冢宰以正百官乃其職也不幸二叔流言周公告二公而身自居東及成王因風雷之變感悟而迎周公周公遂奉命東征迨三叛旣討東師凱旋商奄復叛又征而服之於是營洛邑以遷殷民遂建宗社以爲朝諸侯之所成王因命周公定一代禮樂制度而制度莫大於祭祀故周公郊祀后稷以配天宗祀后稷於明堂以配上帝卽明堂以爲朝諸侯之所經所以有明堂位之記其曰周公踐阼者洛邑旣成成王居鎬親政命周公居洛行朝會之事鄭氏於周公朝諸侯於明堂之位注曰攝王位以明堂之禮儀朝諸侯也不於宗廟辟王也所解甚明是周公所踐之阼乃明堂之阼其時四方諸侯悉來而周始受天永命古文簡質直曰踐阼且明周公踐阼非百官總己以聽冢宰之任而成王亦終周公之世僅七年冬

一至洛邑命逸作冊誥告周公其後則知以洛邑爲東都朝會之地自周公定之以終武王之志中庸所謂武王未受命周公成文武之德也後因其制凡時王巡狩而朝諸侯皆於明堂故泰山下亦有明堂也

鄭氏注惟攝王位三字猶沿前漢劉歆諸人之說如改曰承王命則毫無疑義蓋居攝之說乃漢人文飾爲王莽居攝地位也

攝王位三字不必爲周公諱難在復子明辟耳古人行事如青天白日程子曰凡避嫌者皆內不足也漢之博陸侯我朝之攝政王皆周公之比豈莽之攝皇帝所可擬哉壽昌記

昭陵陪葬碑論略復朝鮮金邵亭詢昭陵陪葬碑書

嘗見張力臣先生昭陵六馬圖攷極詳核刻入檀几叢書壽昌

唐太宗昭陵因九峻山以爲塋其兆甚廣大諸臣陪葬之塋亦有餘地其子孫願從祖父葬者聽其距昭陵遠近或五六里或廿餘里如劉洞西峪小陽儀門叱干煙霞洞皆在今醴泉縣境可知邨名皆後世所立唐時環此數十里之地以爲昭陵兆域陪葬諸塋均在其內唐亡昭陵爲逆賊溫韜所發諸臣之塋同時不免發掘漢時所謂古墓犂爲田松柏摧爲薪也梁劉鄩守長安取古碑以甃城宋天聖中詔營浮圖姜遵在永興毀漢唐碑以代甃甃後韓縝修灊橋督

工急民磨碑石以應之而古碑之遭厄者多矣昭陵陪葬諸臣宋游師雄昭陵圖說一百六十五人而唐書七十四人通攷一百五十五人會要一百六十七人均不相合蓋据圖書所載著錄或其子孫祔葬如姜遐爲行本子乞速孤行儼爲神慶子不在陪葬之例當時均有碑可攷今軼不存傳聞異詞其現存廿八碑亦有近時始出爲前人所未收錄如牛秀碑乃道光丁未渭陽蔡氏汝霖重刊鎮洋畢氏沅所撰關中金石記時增入卷末云石已磨泐惟上半段存三百餘字前一行署銜及公諱秀字進達皆極清晰而乞速孤神慶諸碑不載於健菴徐氏所錄可以類推已紀國先妃陸氏碑案關中金石記妃以貞觀十七年冊爲紀王妃麟德二年薨詔陪葬昭陵以乾封元年十二月葬於陵南二十里紀昭陵陪葬及金石文字皆未之載此又一證也順義公碑關中金石記云据京兆金石錄以爲卽裴藝碑褚遂良書張允碑關中金石記云以唐書儒學傳攷之當卽是張後允而複名之爲單名蒙謂宜從碑斷也石鼓尊勝經以在醴泉昭陵故拓昭陵陪葬碑者兼及此種咸豐中平湖孫氏三錫著昭陵碑攷極浩博精詳惜案頭無此書僅卽所知數條肅復以聞

書壽陽祁公所著三書後

皇朝藩部要略二十二卷西陲要略四卷西域釋地一卷壽陽祁公鶴臯著其書體例謹嚴文辭簡核藩部要略於諸部先後臣服及用兵開闢但恭載諭旨其所以撫綏撻伐之由讀之若網在綱其高處在直敘無一論斷語也西陲要略彙括開創規模邊防措置於總敘總目中而新疆之所以戡定者由伊犁平後卽特命阿文成公專理屯田故以武定功成農政宜舉八字冠之於首而伊犁三屯之水利烏魯木齊等城屯田書之不厭其詳興屯之後卽繼以訓練牧養則因俗制宜之道也源流三篇於土爾扈特述其歸附之故哈薩克布魯特於向化歸誠之中仍寓撫馭之略讀附註數百言可知巡查游牧宜禁踐踏田禾也西域釋地但紀疆域山川而古今異名道里遠近自漢以來屯田戰爭游牧之所卽在總敘及各條之下開卷勝讀班書西域傳也綜而論之讀藩部要略不先讀表則諸部茫無端緒而不讀西陲要略西域釋地則於厄魯特回部之疆域山川古今險要控制時措之宜不能詳悉也蓋藩部非先辨其地界方向譯出山水地名以爲提綱無以因端竟委內外蒙古賴平定張氏石洲作游牧記可作此書注補惜青海西藏兩部今無如石洲之人能作志乘以爲公書之翼也

新疆久缺俸餉所以能自立者林文忠辦理屯田之力居多仁人之利溥矣

哉壽昌記

石洲先生游牧記爲未完之書稿本漫漶不可辨識何願翁曾任讎校之役未幾願翁亦歸道山此書聞爲壽陽師相索回未知何時始付手民殊藝林憾事也 汝鈞記

與林穎叔大京兆書

義倉圖現在廠市同
文堂有一部乃圖存
而義倉亡矣朝廷良
法美意卒至有名無
實如此類者可勝慨
哉壽昌記

昨家繡山兄回談及閣下曾見方恪敏公義倉圖刊本訪求所在仰見大君子經濟匡時隨事留心至意曷勝欽佩查此圖於乾隆十八年鏤板刷印一存布政司庫一存各州縣衛庫彼時直隸州縣衛一百四十有四各具一圖圖如其數又按府州所屬繪寫十四冊敬刊凡例又裝所刊各州縣衛圖爲六軸恭呈御覽二月十九日奏奉硃批知道了圖留覽欽此同日奏事處傳旨刻印義倉圖六軸著收存保兌行宮欽此同日又奏義倉規條奉硃批諸凡周詳要當實力行之欽此是義倉圖與規條均有成案可稽其板片或卽存司庫均未可知現雖遠隔百餘年各州縣所存豈皆霉爛如向保定行宮司庫州縣庫訪查必可得也方恪敏公又有奏設護田夫以防蝗蝻並辦法八條於二十九年十二

月十五日奏奉硃批知道了欽此直省各屬亦有通行成案此二事均屬法良意美地方官果能實力奉行自於地方有益刻下直屬稽查保甲急宜趁此機會修復護田夫之法不惟防蝗蝻兼可察奸宄而義倉亦趁此勸導修復不惟備凶荒兼可爲猝遇兵警辦理民團接濟口食之用且勇不必募卽於護田夫內揀選精壯本地之人心齊志一保衛村莊似可得力此亦寓兵於農及堅壁清野遺意也畿輔水利怡賢親王朱文正公經理規畫設立四局行之有效具載皇朝經世文編似宜講求以實倉儲要之雍正乾隆中聖主方勵精求治中外臣工罔不兢業供職其所設施皆有深謀遠慮行之無弊今惟修墜舉廢量爲變通未始非補苴時艱之一術也芻蕘之見冒瀆上陳伏惟亮察

論新土爾扈特游牧之地書

乾隆三十六年土爾扈特渥巴錫舍稜及恭格率衆來歸詔受其降封渥巴錫爲汗率所部十旗爲舊土爾扈特封舍稜爲郡王率所部兩旗爲新土爾扈特封恭格爲貝勒率所部四旗爲和碩特給地游牧案西陲要略紀土爾扈特源流云游牧之地共分五處舊土爾扈特及和碩特均隸伊犁將軍統轄其新土爾扈特則分駐科布多所屬阿勒台隸科布多參贊大臣專轄西域釋地云伊

犁那喇特達巴罕城東南通喀喇沙爾自此而西至察林河爲厄魯特游牧塔爾巴哈台賽里山城東八百餘里山之陽名和博克薩里今爲土爾扈特游牧（北路）庫爾喀喇烏蘇濟爾噶朗河在城西南爲土爾扈特游牧（東路）精河在精河城外爲土爾扈特游牧（西路）喀喇沙爾珠勒都斯山在城北珠勒都斯之地其山北連雪山爲土爾扈特和碩游牧（南路）與西陲要略同塔爾巴哈台庫爾喀喇烏蘇喀喇沙爾均隸伊犁將軍統轄爲西路科布多爲北路理藩院則北路屬柔遠司西路屬徠遠司西陲要略西域釋地皆西路各部之書故於舊土爾扈特和碩特厄魯特游牧紀之特詳新土爾扈特及杜爾伯特輝特部以其爲四衛拉特之遺故併敘之新土爾扈特既隸科布多游牧之地略而不詳體例宜然而藩部要略則云郡王舍稜貝子沙喇扣冒賜牧布勒罕河以喀喇沙爾大臣轄之爲新土爾扈特據此則在今喀喇沙爾三書所紀不同布勒罕河既爲新土爾扈特游牧之所釋地書中喀喇沙爾山川條下不應遺此大川不書考藩部要略係公在史館纂修蒙古王公表傳所存底冊道光中編次付梓而西陲要略西域釋地則成於嘉慶丁卯公自敘云余奉謫濛池橐筆自效新疆周二萬餘里既得親履其地多所周歷得自覩松湘浦先生駐

節邊庭創爲事略十二卷又奉有續輯同文志之命彙送各城故實事蹟余獲
總司校核參證見聞益覺信而有據爰就要者考而錄之備存其略凡四卷綜
讀三書當以西陲要略西域釋地爲證但藩部要略係乾隆中修官書時錄存
公自訂年譜又云故實必以見諸實錄紅本者爲準先辨其地界方向譯出山
川地名以爲提綱不應有誤或新土爾扈特先牧布勒罕河後乃徙牧阿勒台
西陲要略據後之游牧而言耶又案藩部要略舊土爾扈特和碩特兩部三十
七年給與牧地四十年又定舊土爾扈特爲四路各授盟長和碩特部亦授盟
長並賜札薩克及盟長印獨未及新土爾扈特一字此段疑有脫漏須檢查蒙
古王公表傳又檢查陽湖李氏申耆所繪皇朝一統輿地全圖新土爾扈特游
牧亦在科布多所屬布爾罕河烏嚨布河之間布勒罕河或卽布爾干河譯言
稍殊未知平定張氏石洲所著游牧記詳紀舍稜所部兩旗游牧否又案藩部
要略四十八年有內地奸民劉通等集衆千餘赴瑚圖斯拉私開金礦且賂土
爾扈特郡王舍稜所屬額爾齊雅拉拜等給駝馬爲助烏魯木齊都統海祿聞
之以兵往檄所部助弋奸民就擒上以瑚圖斯拉逼舍稜游牧詔永遠封禁考
烏魯木齊東北通科布多南阻大山距喀喇沙爾千三百餘里今但考布勒罕

河及瑚圖斯拉所在則可定土爾扈特游牧之地勿使後人滋惑也

游牧記爲 石洲先生未成之書何秋濤比部欲足成之聞已有清本今秋

濤亦歸道山此書竟未得一讀也 壽昌記

韓齋雅集觀漢延熹華山碑記

同治癸亥夏四月丁丑朔越十三日己丑繡山兄以朝鮮李漕船尙迪約過訪
衍聖公邸遂招無錫秦宜亭 炳文仁和龔昌匏 橙暨袁甥鶴洲玉雙端甫兩弟

集韓齋日辰加巳昌匏攜延熹華山碑先至因獲暢觀紙墨古香洵爲三百年

前舊物案延熹西嶽華山碑毀於明嘉靖中至萬歷戊午盤屋趙幅作石墨鐫

華時僅据搨本爲跋其跋云嘉靖中一縣令修嶽廟石門視殿上碑題皆當時

顯者恐獲責罰此碑年久遂碎爲砌石嗚呼古碑遭厄較之秦瑯邪碑爲諸城

令磨去一面刻海天一色四字者同爲僞父然秦碑尙存而此石遂佚尤爲不

幸也迨至國初著錄金石家遂謂舊拓華山碑世間僅存兩本一爲關中王無

異家藏後歸阮文達公一爲宋牧仲尙書所藏後歸揚州郭氏關中金石記云

曲阜孔氏繼涑曾借郭氏本摹刻於揚州然余至玉虹樓訪求未見此石或當

時未載歸也阮文達公本摹刻兩通一重立華陰西嶽廟內一置北湖祠樓其

有三本一爲關中本
今在梁芷林中丞家
一爲長垣本今歸劉
燕亭方伯家此數年
又歸桂文端家阮家
所藏及重刻者乃四
明本也
谷園刻本有之乃摹
長垣本也

詒晉齋收長垣本先
歸詒晉後歸燕亭今
歸文端也

阮文達未翦本聞何
子貞先生以五百金
購去攜歸道州轉鬻
者恐係贗鼎也壽昌
記

子貞先生無此本曾
云當日在京燕亭後
人欲以此本質五百
金因其值太昂未果
質

阮文達本曾以五十
金質於子貞余猶及
見之旋贖去展轉歸
崇樸山家傳言子貞
購去者非也李竹朋
記

楚楨丈著述甚多以
論語長編游藝錄爲
最皆未付刊漢石例

右缺石一由全缺者七十八字半缺者三十三因以家藏歐文忠公墨蹟摹補
於缺空處此所謂阮公未翦本也文達於嘉慶庚午辛未改官翰林居京師復
得見詒晉齋已翦本雖無碑額而未翦本所缺之字彼皆未缺遂借鈎摹入未
翦本缺空處道光三年在廣州購端石復摹刻詒晉齋本未缺字及銘詞內民
說二字同置北湖祠樓是摹刻凡三並未缺之字而四郭氏本玉虹樓摹本余
均未見揚州疊被兵燹未知流落何所阮公未翦本於京師曾一見之今輾轉
歸長白崇樸山實將軍家昌匏云詒晉齋本爲無錫錢梅溪泳攜至江浙已歸
長樂梁茵林中丞其家尙能寶藏諸城劉燕庭方伯所藏另是一本聞今歸桂
文端公家是華山碑除國初盛傳王宋兩本之外又有此數本焉知海內不尙
有存者午刻藕船至鶴洲玉雙端甫先後亦至惟宜亭因事不果來相與筆談
數十紙余又出漢建康元年殘碑繡山兄亦出唐李太白墨蹟手卷並袁杏村
漢延光四年碑與同人共觀昌匏均有題記藕船乞攜回寓細玩再題遂設蔬
酌飲至日西乃散爰紀其事以爲一時翰墨佳話焉

寶應劉氏寶楠字楚楨著漢石例於延熹西嶽華山碑著例四條其說云延熹
四年七月甲子至銘勒斯石云云碑末袁府君至河南京人云云爲前官立碑